

სოხის მუნიციპალიტეტის განვითარება

სოხის
მუნიციპალიტეტის
საკრებულოს
სხდომა

10 თებერვალს გაიმართა სოხის მუნიციპალიტეტის საკრებულოს რიგგარეშე სხდომა, რომელსაც უძღვებოდა საკრებულოს თავმჯდომარე ედიშერ ჯობაჯიძე.

სხდომაზე განხილულიქნა დღის წესრიგით გათვალისწინებული საკითხი დადგენილების პროექტი „სოხის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ სოხის მუნიციპალიტეტის საკრებულოს 2015 წლის 25 დეკემბრის №30 დადგენილებაში ცვლილების შეტანის თაობაზე“, რომლის მიხედვითაც ადგილობრივი ბიუჯეტში განხორციელდა შემდეგი სახის ცვლილებები:

შემოსავლები გაიზარდა 2422,5 ათასი ლარით.

მუხლიდან „გრანტები“, ნაშთი გაიზარდა 349,4 ათასი ლარით და საერთო ჯამში ნაშთმა შეადგინა 828,4 ათასი ლარი, რომელიც გადანაწილდა სხვადასხვა ღონისძიებების დასაფინანსებლად.

დღის წესრიგით გათვალისწინებული საკითხის განხილვის შემდეგ სხდომა დახურულად გამოცხადდა.

საქართველოს სოფლის
მეურნეობის მინისტრი და
კულტურისა და ძეგლთა დაცვის
მინისტრის მოადგილე სოხში

ქ.სოხში სიმინდის მარცვლის გადამამუშავებელი და ზეთის მიმღები ქარხანა საქართველოს სოფლის მეურნეობის მინისტრმა ოთარ დანელიამ, სამეგრელო-ზემო სვანეთის გუბერნატორმა ლევან შონიამ, სოხის მუნიციპალიტეტის საკრებულოს თავმჯდომარე ედიშერ ჯობაჯიძე და გამგებლის პირველმა მოადგილემ ვარაზ გაბედავამ დაათვალიერეს.

სოხის მუნიციპალიტეტის საკრებულოს სხდომათა დარბაზში, კულტურის სტრატეგიის დოკუმენტის სამუშაო ვერსიის საჯარო პრეზენტაცია მოეწყო. ღონისძიებას საქართველოს კულტურისა და ძეგლთა დაცვის მინისტრის მოადგილე ლევან ხარატიშვილი, სამეგრელო-ზემო სვანეთის სახელმწიფო რწმუნებულის მოადგილე კახა რუსია და სოხის მუნიციპალიტეტის გამგებელი გოჩა ქაჯაია უძღვებოდნენ. შეხვედრას, რომელიც კითხვა პასუხის რეჟიმში გაიმართა სამეგრელო-ზემო სვანეთის რეგიონის სხვადასხვა მუნიციპალიტეტის ხელმძღვანელი პირები, სახელოვნებო დაწესებულებების, არასამთავრობო

სოხის საჯარო პრეზენტაციების ციკლს თბილისსა და რეგიონებში, ასევე კონსულტაციებს კულტურის სფეროს სხვადასხვა მიზნობრივ ჯგუფთან, მთელი საქართველოს მასშტაბით.

ორგანიზაციების, შემოქმედებითი სექტორისა და საინიციატივო ჯგუფების წარმომადგენლები ესწრებოდნენ.

საქართველოს კულტურისა და ძეგლთა დაცვის სამინისტროს მიერ კულტურის სტრატეგიის დოკუმენტის სამუშაო ვერსია შემუშავდა. მთავრობის დამტკიცებამდე დოკუმენტის სრულყოფის მიზნით, სამინისტრო აგრძელებს სამუშაო ვერ-

აქცია—„გაილა სისხლი, გადაარჩინა
სიცოცხლე“

5 თებერვალს ქ. სოხში საქართველოს განათლებისა და მეცნიერების სამინისტროს სოხის საგანმანათლებლო რესურსცენტრის ინიციატივით ლეიკემიით დაავადებული პაციენტებისთვის უანგარო დონორთა აქცია—„გაილა სისხლი, გადაარჩინა სიცოცხლე“ გაიმართა.

უანგარო დონორთა აქციის ფარგლებში დახმარების მსურველებმა სისხლი მ. იაშვილის სახელობის ბავშვთა ცენტრალურ საავადმყოფოსთან არსებულ შპს „სისხლის ბანკის“ წარმომადგენლებს ჩააბარეს.

საქველმოქმედო აქციაში სოხის მუნიციპალიტეტის გამგებლისა და საკრებულოს თანამშრომლებმა მიიღეს მონაწილეობა.

თქვენს მიერ გაღებული სისხლით შეგიძლიათ გადაარჩინოთ ბავშვების სიცოცხლე. 400

სისხლის დონორთა უსაფრთხოა ჯანმრთელობისათვის. დონორი შეიძლება გახდეს ნებისმიერი ჯანმრთელი ადამიანი 18 წლიდან 60 წლამდე, თუ თქვენი წონა 50 კგ და მეტია. სისხლის ჩაბარების პროცედურა ძალიან მარტივია, სულ რაღაც 10 წუთი და თქვენ უკვე დონორი ხართ. ამასთანავე აქციაში მონაწილე ყველა დონორს უფასოდ ჩაუტარდება შემდეგი კვლევები: სისხლის ჯგუფი და რეზუს ფაქტორი, სისხლის საერთო ანალიზი, აივ ინფექცია, ჰეპატიტი C, ჰეპატიტი B და სიფილისი.

კულტურის სტრატეგიის მიზანია, განსაზღვროს საქართველოში კულტურისა და შემოქმედებითი სექტორის განვითარების გრძელვადიანი ხედვა, რომელიც წარმოაჩენს როგორც კულტურის თანდაყოლილ ღირებულებას, ასევე, მის მნიშვნელობას ეროვნული იდენტობისა და სოციალური ერთობის განმტკიცებასა და ქვეყნის მდგრად განვითარებაში.

„აბსოლუტურად ყველას მხრიდან, ვისაც კი შევხვდით, უდიდესი მხარდაჭერა იბრძოდა“



საქართველოს პრემიერ-მინისტრმა გიორგი კვირიკაშვილმა მიუნხენში ვიზიტი შეაჯამა.

პრემიერმა ასევე მნიშვნელოვანი უწოდა საქართველოს მონაწილეობას კონფერენციის თემატურ პანელზე, სადაც წარმოდგენილი იყო ბალკანეთის ოთხი ქვეყანა, რომელთაგან ორი ევროკავშირის წევრია.

მისივე თქმით, პანელის მოდერატორი იყო ავსტრიის საგარეო საქმეთა მინისტრი და თვითონ ფაქტი, რომ საქართველოს უკვე განიხილავენ

ამ ქვეყნების რიგში, არის ძალიან დადებითი. მიუნხენის ვიზიტის შეფასებისას, პრემიერმა ხაზი გაუსვა საქართველოს მიერ ვიზალიბერალიზაციის სამოქმედო გეგმის წარმატების შესრულებას, რაც მისი გამოსვლის მთავარი თემა იყო.

„ჩვენ ძალიან გვჭირდება ახლა საზოგადოების კონსოლიდაცია ევროპული და ევროატლანტიკური დღის წესრიგის გარშემო. ამ მიმართულებით ჩვენ გვაქვს ყველაზე მოკლევადიანი მიღწევა, რაც ჩვენ ბოლომდე უნდა მივიყვანოთ. ეს არის ვიზალიბერალიზაციის სამოქმედო გეგმა, რომელიც ჩვენ უკვე შევასრულეთ. დადებითი ტენიკური დასკვნა უკვე არსებობს და აქ უკვე საჭიროა პოლიტიკური მხარდაჭერის კონსოლიდაცია. სწორედ ამას ემსახურებოდა ჩემი განცხადება პანელზე, რომ არავითარ შემთხვევაში ეს საკითხი არ იყოს ასოცირებული მიგრანტების პრობლემასთან და სხვადასხვა უსაფრთხოების კუთხით გაუარესებულ სიტუაციასთან, რომელიც დღეს რეგიონში გვაქვს. ჩვენ მაქსიმალურად ვცდილობთ, რომ გაგაკეთოთ ჩვენი მხარდამჭერების კონსოლიდაცია იმისათვის, რომ საბოლოო შედეგი დაიძლოს ამ კუთხით“, – აღნიშნა პრემიერმა.

გიორგი კვირიკაშვილმა ასევე კომენტარი გააკეთა ჰააგის პროკურორ ფაქტუ ბენსუდასთან გამართულ შეხვედრაზე. მისი თქმით, ეს იყო გაცნობითი ხასიათის შეხვედრა, სადაც საუბარი შეეხო 2008 წლის აგვისტოს ომის გამოძიების საკითხებს და ქართულმა მხარემ კიდევ ერთხელ დააყენა ეთიკური წმენდის, სამხედრო ტყვეების წამების და სხვა დანაშაულებათა გამოძიების აუცილებლობის საკითხი.

„EIB“ საქართველოს, ინფრასტრუქტურული პროექტების განვითარებისთვის, 150 მილიონამდე ევროს გამოუყოფს

ევროპის საინვესტიციო ბანკი, საქართველოს ინფრასტრუქტურული პროექტების განვითარებისთვის, 150 მილიონამდე ევროს ოდენობის ფინანსურ რესურსს გამოუყოფს.

აღნიშნულის შესახებ ფინანსური ხელშეკრულებები მთავრობის ადმინისტრაციაში გაფორმდა.

ლოკუმენტებს საქართველოს ფინანსთა მინისტრმა ნოდარ ხადურმა და ევროპის საინვესტიციო ბანკის ვიცე-პრეზიდენტმა ლაზლო ბარანიამ მოაწერეს ხელი. ცერემონიას საქართველოს პრემიერ-მინისტრი გიორგი კვირიკაშვილი დაესწრო.

ევროპის საინვესტიციო ბანკი საქართველოს 100 მილიონი ევროს ოდენობის ფინანსურ რესურსს გამოუყოფს „საქართველოს ურბანული რეკონსტრუქციის და განვითარების პროექტის“ დასაფინანსებლად, რომლის ფარგლებში საქართველოს სხვადასხვა რეგიონში განხორციელდება მცირე ზომის ინფრასტრუქტურული პროექტები – გზების, ქუჩების, წყალსადენის, კანალიზაციის სისტემების რეაბილიტაცია; განვითარდება ტურისტული ინფრასტრუქტურა. თბილისში წყალდიდობის შედეგად დაზიანებული ინფრასტრუქტურა აღდგება. 49.45 მილიონი ევროს ოდენობის ფინანსურ რესურსს



კი, საქართველო „საქართველოს აღმოსავლეთ-დასავლეთის ჩქაროსნული ავტომაგისტრალი II“ პროექტის –ზემო ოსიაური–ჩუმათელეთის მონაკვეთის ჩქაროსნული მაგისტრალის მშენებლობის დასაფინანსებლად მიიღებს.

როგორც „პირWელს“ მთავრობის ადმინისტრაციიდან აცნობეს, ხელმოწერის ცერემონიამდე ევროპის საინვესტიციო ბანკის ვიცე-პრეზიდენტს საქართველოს პრემიერ-მინისტრი შეხვდა.

გიორგი კვირიკაშვილმა ლაზლო ბარანიას საქართველოში ინფრასტრუქტურული პროექტების განვითარების მხარდაჭერისთვის მადლობა გადაუხადა და ევროპის საინვესტიციო ბანკთან ნაყოფიერი თანამშრომლობის გაღრმავების იმედი გამოთქვა.

შეხვედრას ევროკავშირის ელჩი საქართველოში, იანოშ ჰერმანი, საქართველოს ფინანსთა მინისტრი ნოდარ ხადური და რეგიონული განვითარებისა და ინფრასტრუქტურის მინისტრი ნოდარ ჯავახიშვილი დაესწრნენ.

დავით საგანელიძე: ჩვენი დაპირება იყო ნამდებობის გაიაფება და ეს პროცესი დაიწყო



საქართველოს ფარმაცევტული ბაზრის სიახლეებზე „საპარტნიორო ფონდის“ ხელმძღვანელმა დავით საგანელიძემ „ბიზნეს კურიერის“ გადაცემაში ისაუბრა.

საგანელიძის განცხადებით, ფართო მოხმარების პრეპარატების მნიშვნელოვან სეგმენტზე ფასებმა მნიშვნელოვნად დაიკლო და ეს ბაზარზე ჰუმანიტარული ჯორჯიას შემოსვლას უკავშირდება. როცა მედიკამენტები დაიღო ბაზაში იმ ფასებით, რა ფასებითაც ისინი გამოვა ბაზარზე, ბუნებრივია, მის ანალოგებზე ფასები დაიწვეს. შესაბამისად, კომპანიებმა ანალოგების დაბალ ფასებში გაყიდვა დაიწყეს. ეს

ელემენტარული ეკონომიკა და ბიზნესია.

ფაქტია, შედეგი უკვე გვაქვს, ყოველ წუთში მოგვდის მოკლე ტექსტური შეტყობინებები, რომ წამლები გაიფხვრა. გასათვალისწინებელია ისიც, რომ საქართველოში შენდება ფარმაცევტული ქარხანა, რომელიც, ადგილობრივ ბაზარზე გაანახევრებს ფასებს და ექსპორტზეც გავა. პირველ ეტაპზე, ვიდრე ქარხანა აშენდება, იქნება 30 პროცენტითა და კლება. ჩვენი დაპირება იყო, რომ წამლებს გავაიაფებდით და ეს პროცესი დაიწყო,“ – აღნიშნა დავით საგანელიძემ.

აშშ-ის პრეზიდენტის მთავრობის მხრიდან, ვისაც კი შევხვდით, უდიდესი მხარდაჭერა იბრძოდა

აშშ-ის პრეზიდენტის სპეციალური მრჩეველის ევროპის საკითხებში, ჩარლზ კუპჩანის განცხადებით, ამერიკის მთავრობა საქართველოს ხელისუფლებას სრულ მხარდაჭერას უცხადებს.

ამის შესახებ ჩარლზ კუპჩანმა საქართველოს პრემიერ-მინისტრთან შეხვედრისას განაცხადა.

შეხვედრის მთავარი თემა საქართველოს მთავრობის მიერ განხორციელებული და მიმდინარე დემოკრატიული რეფორმები იყო. ხაზი გაესვა, რეფორმირების პროცესში, აშშ-ის დახმარების მნიშვნელობას.

საქართველოს მთავრობის ადმინისტრაციის პრესსამსახურის ინფორმაციით, შეხვედრაზე აღინიშნა, რომ ორი ქვეყნის თანამშრომლობა ეფუძნება საერთო ღირებულებებსა და საერთო ინტერესებს, მათ შორის, კანონის უზენაესობის, დემოკრატიისა და ეკონომიკური თავისუფლების განვითარების თვალსაზრისით.

საუბარი შეეხო საქართველოს ევროპულ და ევროატლანტიკურ სტრუქტურებში ინტეგრაციის და ევროკავშირისა და საქართველოს შორის ვიზალიბერალიზაციის საკითხებს. მხარეებმა განიხილეს ოკუპირებულ ტერიტორიებზე არსებული ვითარება და ქენევის საერთაშორისო მოლაპარაკებების დინამიკა.



ჩვენი გაზეთის დღევანდელი ნომრის სტუმარია ავთანდილ ქირია—გამგებლის წარმომადგენელი ხამისქურის ადმინისტრაციულ ერთეულში

განვლილ წელს ბევრი რამ გაკეთდა ჩვენს სოფელში. მინდა მომავალი წელი უფრო წარმატებული იყოს ხამისქურელთათვის. 2015 წელს „სოფლის მხარდაჭერის“ პროგრამით ხამისქურის ადმინისტრაციულ ერთეულს მთავე

გაკეთდა მეტალო-პლასტმასის კარ-ფანჯრები. ასევე პანო და პანდუსი. მათ მიერ გარემონტდა ჯგუფის ერთი ოთახი.

გასულ წელს, მუნიციპალიტეტის გამგეობისა და საკრებულოს თანადგომით, სოფლის უმწეო ადა-



პიერ და ბაღრი კობახიძეების სახლ-მუზეუმი

წყლის სათავე ნაგებობა, საიდანაც წყალი სკოლას, ბაღსა და 110 ოჯახს მიეწოდება. საქირიოს თემშიც დამონტაჟდა ასევე სასმელი წყლის სათავე ნაგებობა და წყლის რეზერვუარი, საიდანაც წყალი ეკლესიას და 10 ოჯახს მიეწოდება.

2016 წლის გაზაფხულზე მოსახლეობა კვლავ მიიღებს სასოფლო-სამეურნეო ბარათებს და უფასოდ მოხდება მიწის ფართობების მოხვნა.

2016 წლის თებერვლიდან ადგილობრივი ხელისუფლების შუამ-

„მეტი უზენაესობა და კადრის მოზიდვა გვმართებს“

რობისგან 44375 ლარი გამოეყო. სოფლის საერთო კრების გადაწყვეტილებით გადაწყდა, გამოყოფილი თანხა სკოლამდელ სააღმზრდელო დაწესებულებას—საბავშვო ბაღს მოხმარებოდა. არსებულ საბავშვო ბაღს მიუშენდა 50 კვადრატული მეტრის თანამედროვე ტიპის კეთილმოწყობილი შენობა,

მიანებს—ფაშა კუკავას 5 სულიან ოჯახს, სახლი თანამედროვე ტიპის სახურავით გადაუხურეს. ადგილობრივი ხელისუფლების დაფინანსებითა და დახმარებით, მზიური პერტიას გამოუწოდეს დახმარების ხელი და აუშენდა 50 კვ.მეტრის მოცულობის საცხოვრებელი სახლი. ასევე ხელისუფ-

სოფელში ფუნქციონირებს დაფინანსების 3 საწარმო, სადაც დასაქმებულია ადგილობრივი მცხოვრებლები. ეს საწარმოები წარმოადგენენ მათი ოჯახების ფინანსურ წყაროს. სოფლის მცხოვრებლებს სხვაგან არ უწევთ დაფინანსების ჩასაბარებლად წასვლა. ისინი ადგილზე აბარებენ მას.

ჩვენ სოფელში ფუნქციონირებს სამედიცინო ამბულატორია, გვყავს ექიმი ინელა კუკავა, რომელიც უანგაროდ და კეთილსინდისიერად ემსახურება თითოეულ ოჯახს.

სოფელში ახალგაზრდების თავ-

დგომლობით დაიწყო საყანე ფართობებში სამედიცინო სამუშაოები. მარტის თვეში კი დაიწყო ელექტროგამრიცხველიანება, რაც ნამდვილად აუცილებელია და ხალხი დიდხანსა მის მოლოდინშია.

მრავალი პრიორიტეტული პრობლემა გადაიჭრა გასულ წელს, მაგრამ სოფელში პრობლემები ისევ ბევრია. იმედია, ხელისუფლების ნებით „სოფლის მხარდაჭერის“ პროექტითა და სხვა არასამთავრობო ორგანიზაციების მხარდაჭერით და დახმარებით, ეს



ცოხმ-სიმაბრე „ჰინა“

რაც დროულად და ხარისხიანად განხორციელდა. ასევე, კეთილმოეწყო ბაღის ეზო. დამატებითი ღირებულების გადასახადიდან მოზრუნებული თანხაც, ასევე მოხმარდა საბავშვო ბაღს.

შეძენილიქნა 4 სასწავლო კარადა. 34 აღსაზრდელისთვის კეთილმოეწყო საძინებელი ოთახი და მოიხსნა ბავშვების დაძინების პრობლემა. მათ შეექმნათ კომფორტული გარემო. სოფლის მოსახლეობა, ბავშვებზე ასეთი მზრუნველებისთვის, ხელისუფლებას მიმართ მაღლიერებას გამოხატავს.

ადგილობრივი ხელისუფლების შუამდგომლობით, სამეგრელო-ზემო სვანეთის რეგიონალურმა არასამთავრობო გერმანულმა ორგანიზაციამ, ჩვენი საბავშვო ბაღისთვის კიდევ ერთი სასიკეთო საქმე გააკეთა. გამოცვლილიქნა და

ლების დაფინანსებით 50 კვ/მ საცხოვრებელი სახლი აუშენდა დარეჯან კუკავას უმწეო ოჯახს. ეს ხომ უმწეო ადამიანების მიმართ უდიდესი თანადგომა და ამავდროულად უდიდესი მხარდაჭერა და ზრუნვაა მათ კეთილდღეობაზე.

ხამისქურში ხუთი წელია მუშაობს სრულიად თემთა განვითარების არასამთავრობო ორგანიზაცია, რომლებიც ადგილობრივ ხელისუფლებასთან ერთად სიბრძნის მუნიციპალიტეტში მნიშვნელოვან საქმეებს ეწევა. გასულ წელს მათ მიერ ერთ-ერთ ოჯახში გაკეთდა ბიო-გაზი. სამ ოჯახსა და დაფინანსების ერთ საწარმოს გაუკეთდა მზის ენერგიით წყლის გამათბობელი. გასულ წელს სოფელში დასრულდა სასმელი წყლის ორი სათავე ნაგებობის მშენებლობა. დამატებით გაკეთდა



ღვთისმშობლის შობის ტაძარი

შეყრის ადგილია ბიბლიოთეკა (სპეციალისტი რიტა სიხარულია), სადაც თავისუფალ დროს ატარებენ ახალგაზრდები, ასევე წარმატებულად ფუნქციონირებს საჯარო სკოლა (დირექტორი ნანა ლომია)

უკვე რამდენიმე წელია სოფლის მცხოვრებლები ხელისუფლების სიკეთით სარგებლობენ—საგაზაფხულო სამუშაოებისთვის ვაუჩერების მიღებით, რომლის საშუალებით უფასოდ ხდება ნიადაგის მოხვნა.

საკითხები დადებითად გადაიჭრება.

მიმდინარე წელი საარჩევნო წელია და მეტი შემართება და ძალების მობილიზება გეპარტებს, რათა არჩევნები მაღალ დონეზე ჩატარდეს.

„სოფლის მხარდაჭერის“ პროგრამით კვლავ მრავალი პრიორიტეტული საკითხების გადაჭრას შევძლებთ.

ავთანდილ ქირია, გამგებლის წარმომადგენელი ხამისქურის ადმინისტრაციულ ერთეულში.

ურთიერთობა საჯარო მოხელეებთან – აოდებიალურია



ინტერვიუ მუნიციპალიტეტის გამგეობის აუდიტისა და კონტროლის სამსახურის ხელმძღვანელ მინდია ნაჭყებიასთან.

მცირე დონა: დაიბადა ხობის მუნიციპალიტეტში. ცხოვრობს სოფელ პირველ მაისში, ყავს მეუღლე სალომე ზარანდია, შვილი იოანე ნაჭყებია და დედა ლიანა ძიძავა. 2004 წელს დაამთავრა პირველი მაისის საჯარო სკოლა, ამავე წელს ჩაირიცხა ივანე ჯავახიშვილის სახელობის თბილისის სახელმწიფო უნივერსიტეტის იურიდიულ ფაკულტეტზე. 2008 წელს მიანიჭეს ბაკალავრის ხარისხი, ამავე წელს ჩააბარა იგივე უნივერსიტეტის მაგისტრატურაზე. (ფაკულტეტი – იურიდიული, სპეციალობა – საჯარო სამართალი). 2010 წელს დაამთავრა მაგისტრატურა და მიენიჭა მაგისტრის წოდება. 2009 წელს სამსახური დაიწყო სსიპ სოციალური მომსახურების სააგენტოს სამეგრელო-ზემო სვანეთის საკოორდინაციო ცენტრის ზუგდიდის სამსახურის იურისტად, მთავარ სპეციალისტად, სადაც იმუშავა 2014 წლის აგვისტომდე. ასევე, პარალელურად მუშაობდა ზუგდიდში არასამთავრობო ორგანიზაციაში. არის არასამთავრობო ორგანიზაციის სათემო ცენტრის ერთ-ერთი დამფუძნებელი, რომელიც ევროკავშირის ეგიდით ანხორციელებდა სხვადასხვა სახის პროექტებს. როგორც თავად ამბობს, ყოფილ სამსახურში მუშაობამ, უდიდესი გამოცდილება შესძინა, თავისი სპეციფიკიდან გამომდინარე. 2014 წლის 25 აგვისტოს დაინიშნა ხობის მუნიციპალიტეტის გამგეობის აუდიტისა და კონტროლის სამსახურის ხელმძღვანელად.

ბატონო მინდია, შიდა აუდიტი და კონტროლის სამსახური, უფრო ვრცლად მოგვიყევით თქვენი სამსახურის შესახებ?

– ჩვენი სამსახური მოქმედებს შიდა ფინანსური კონტროლის შესახებ საქართველოს კანონით, კონსტიტუციით, ჩვენი სამსახურის დებულებით და სხვა ნორმატიული აქტებით. დაწესებულების საქმიანობის გაუმჯობესებისა და მისი მიზნების მიღწევის უზრუნველყოფისკენ მიმართული დამოუკიდებელი, ობიექტური და საკონსულტაციო საქმიანობა, რომელიც სისტემატიზებული, დისციპლინებული მიდგომით აფასებს და აუმჯობესებს რისკის მართვის, კონტროლისა და მმართველობითი პროცესის ეფექტიანობას და მიმართულია დაწესებულების ამოცანების სრულყოფილად შესრულებისკენ.

რა საჭიროა მუნიციპალიტეტში შიდა აუდიტის სამსახური და რა არის სამსახურის ფუნქციონირების ძირითადი მიზანი?

– სამსახურის ძირითადი მიზნებია, მონაწილეობა მიიღოს ბიუჯეტის თანხების ეფექტურ და რაციონალურად გახარჯვაში, ამ კუთხით გასცეს შესაბამისი რეკომენდა-

ციები. ასევე ჩვენი სამსახურის ფუნქციაა შეამოწმოს გამგეობის სამსახურები და გამგეობის მიერ დაფუძნებული შპს-ები და ა (ა)იპი-ები. დარღვევების აღმოჩენის შემთხვევაში გასცეს შესაბამისი რეკომენდაციები. პრობლემების აღმოჩენის შემთხვევაში დაეხმაროს შესაბამის სამსახურებს და დასახოს მათი გადაჭრის გეგმები.

როგორ იცავს შიდა აუდიტი დამოუკიდებლობას და ობიექტურობას?

– დამოუკიდებლობა წარმოადგენს იმ შეზღუდვებისაგან თავისუფლებას, რომელიც საფრთხეს უქმნის შიდა აუდიტის სუბიექტის მიერ შიდა აუდიტორული პასუხისმგებლობის მიუკერძოებლად შესრულების შესაძლებლობას. შიდა აუდიტის სუბიექტზე დაკისრებულ პასუხისმგებლობათა ეფექტიანად შესასრულებლად, აუცილებელი დამოუკიდებლობის უზრუნველსაყოფად, შიდა აუდიტის სუბიექტის უფროსს უნდა ჰქონდეს პირდაპირი და შეუზღუდავი წვდომა დაწესებულების ხელმძღვანელთან. ობიექტურობა წარმოადგენს მიუკერძოებელ დამოკიდებულებას, რაც შიდა აუდიტორებს შესაძლებლობას

ადლევს განახორციელონ საქმიანობა ისე, რომ სჯეროდეთ თავისი საქმიანობის და არ დაუშვან ხარისხთან დაკავშირებული კომპრომისები. ობიექტურობა მოითხოვს, რომ შიდა აუდიტორებმა არ დაუქვემდებარონ აუდიტის საკითხებზე დაკავშირებული



მსჯელობა სხვებს. დამოუკიდებლობასთან და ობიექტურობასთან დაკავშირებული საფრთხეები მართული უნდა იყოს თითოეული შიდა აუდიტორის, აუდიტორული შემოწმების, ფუნქციონალურ და ორგანიზაციულ დონეებზე. რომელიც ჩვენს შემთხვევაში სრულად არის დაცული.

როგორი უნდა იყოს ურთიერთობა შიდა აუდიტსა და საჯარო მოხელეებს

შორის?

– შიდა აუდიტისა და კონტროლის სამსახური არის გამგეობის ერთ-ერთი სტრუქტურული ერთეული და ურთიერთობა საჯარო მოხელეებთან შესაბამისად გვაქვს კოლეგიალური.

ერთია როცა თქვენ ამოწმებთ საჯარო მოხელეებს და აძლევთ ამა თუ იმ შენიშვნებს, მაგრამ, თავად თქვენ როგორ გადაწყვეტილებას ეღებულებით როცა დაწესებულებებში არსებულ პრობლემებს აწყდებით?

– შენიშვნა არის დისციპლინური პასუხისმგებლობის ზომა, რომლის გამოყენებაც შეუძლია იმ თანამდებობის პირს ან დაწესებულებას, რომელსაც აქვს მოხელის თანამდებობაზე დანიშვნის უფლება, რაც ჩვენს კომპეტენციაში არ შედის, ხოლო რაც შეეხება პრობლემის გადაწყვეტას ჩვენ გავცემთ რეკომენდაციებს რომელიც სასურველია იყოს გათვალისწინებული.

თქვენ, (სამსახურს ვგულისხმობ) უნდა დაიცვათ თუ არა საჯარო მოხელის ინტერესები? თუ კი მაშინ როგორ ახერხებთ ამას?

– შიდა აუდიტისა და კონტროლის სამსახური, სამ-

– საქართველოს მთავრობის 2010 წლის 30 ივლისის 1015 განკარგულება განსაზღვრავს შიდა აუდიტის სტანდარტებს, რომელიც თავის მხრივ მოიცავს ორგანიზაციულ და ოპერაციულ სტანდარტებს.

როგორ ახდენს შიდა აუდიტის ფუნქცია, რესურსებზე პრიორიტეტების განსაზღვრას?

– ეფექტური პრიორიტეტების მინიჭება მოიცავს ორგანიზაციის რისკებზე პრიორიტეტებთან სინქრონიზებასა და რისკზე დაფუძნებული მიდგომის გამოყენებას. შიდა აუდიტორული საქმიანობის დაგეგმვის დროს. შიდა აუდიტის აღმასრულებელმა, ორგანიზაციულ ცვლილებებზე უწყვეტი ზედამხედველობის შედეგად, რომლებმაც შესაძლოა გვემის ცვლილება გამოიწვიონ, იცის თუ როგორ შეიძლება არსებული შიდა აუდიტორული რესურსების ეფექტურად გამოყენება და გააზრებული რეკომენდაციების გაწევა.

როგორც სამსახურის უფროსი როგორ შეაფასებდით გასული წლის მუშაობას, და როგორია თქვენი სამომავლო გეგმები?

– თუ გავითვალისწინებთ იმ გარემოებას რომ 2015 წელს ფაქტიურად ახლად შექმნილ სამსახურს მოუწია შრომატევადი საქმიანობის განხორციელება, მართალია ადვილი არ არის, თუმცა აუდიტის ყველა თანამშრომლის მონდობით და სამსახურების ხელშეწყობით წარმატებულად შევაფასებდი გასული წლის მუშაობას. რაც შეეხება მომავალ გეგმებს გამგეობის მიერ დამტკიცებულია 2016 წლის შემოწმების გეგმა, გათვალისწინებულია აქედან გეგმის შესაბამისად უკვე აქტიურად მუშაობს შიდა აუდიტისა და კონტროლის სამსახური, ხოლო რაც შეეხება სამსახურეობრივი დისციპლინის დაცვას ამ კუთხით, ყოველდღიურად მუშაობს ჩვენი სამსახური, რათა გამოავლინოს გადაცდომები. მინდა მაღლობა გადავუხადო ბატონ გორა ქაჯაიას მონიჭებული უფლებამოსილებისთვის და ასევე იმისათვის, რომ გვიწყობს ხელს ჰარმონიულად, ორგანიზებულად და სამართლიანად განვახორციელოთ ჩვენი საქმიანობა.

ესაუბრა
ნინო გმრბაია.

ჩვენს მუნიციპალიტეტში

გუბერნატორისა და გარემოს დაცვის მინისტრის შეხვედრა მონადირეებთან



ერეს ალტერნატიული ადგილები. სანადიროდ დასაშვები ტერიტორიის მოძიების შემდეგ კი სამინისტრო მონადირეებს დაეხმარება ტერიტორიის ინფრასტრუქტურის მოწყობაში. სანადირო მეურნეობის შექმნა, ხელს შეუწყობს გარემოზე ზიანის მიყენების შემცირებასა და უკანონო ნადირობის აღკვეთას.

სამეგრელო-ზემო სვანეთის მხარეში სახელმწიფო რწმუნებული - გუბერნატორი ლევან შონია და გარემოს დაცვის მინისტრის მოადგილე თეიმურაზ მურდულია მონადირეთა კავშირის წევრებს შეხვდნენ და რეგიონში სანადირო მეურნეობის მოწყობაზე იმსჯელეს. სანადიროდ სპეციალური ტერიტორიის მოძიების პროცესში მონადირეები თავად არიან ჩართულნი. მინისტრის მოადგილემ და გუბერნატორმა მონადირეებთან ერთად პირადად დაათვალი-

აღნიშნული საკითხის გარდა შეხვედრაზე კოლხეთის ეროვნული პარკის ტერიტორიაზე უკანონოდ ნადირობის ფაქტებზეც ისაუბრეს. მინისტრის მოადგილის განმარტებით, კოლხეთის ეროვნული პარკის ტერიტორიაზე ნადირობაზე კონტროლი გამკაცრებულია.

გუბერნატორის და გარემოს დაცვის მინისტრის მოადგილის შეხვედრას მონადირეებთან, გუბერნატორის პირველი მოადგილე კობა ქანთარია ესწრებოდა.

ლევან შონია სადამკვირვებლო მისიის უფროსს შეხვდა



რეგიონში მიმდინარე ინფრასტრუქტურული პროექტები, სოფლის მეურნეობაში განხორციელებული და დაგეგმილი სამუშაოები გააცნო.

კიასტუტის იანკაუსკასი კონფლიქტისპირა სოფელ რუხში საგაჭრო ცენტრის პროექტით დაინტერესდა და მის შესახებ ამომწურავი ინ-

საქართველოში ევროკავშირის სადამკვირვებლო მისიის ხელმძღვანელი კიასტუტის იანკაუსკასი და მისიის რეგიონალური ოფისის უფროსი გაბრიელ ვონ ჰორნი სამეგრელო-ზემო სვანეთის გუბერნატორს ლევან შონიას შეხვდნენ.

ევროკავშირის მისიის ხელმძღვანელი რეგიონში არსებული მდგომარეობით და მიმდინარე პროექტებით დაინტერესდა. გუბერნატორმა ელჩს

ფორმაცია ლევან შონიასგან მიიღო. რუხში საგაჭრო ცენტრის მშენებლობა უკვე დასრულებულია და ის უახლოეს დღეებში გაიხსნება. გუბერნატორის განცხადებით საგაჭრო ცენტრი ხელს შეუწყობს ქართველი და აფხაზი ხალხის დაახლოებას. გუბერნატორმა მისიის ხელმძღვანელს გამოეყო ხაზთან მდებარე სოფლებში განხორციელებული პროექტები დეტალურად გააცნო.

ღია ეროვნული ჩემპიონატი მაღალსკოპობაში



ქ. თბილისში ეროვნული ფედერაციის სასახლეში ჩატარდა საქართველოს ზამთრის ღია ეროვნული ჩემპიონატი მძლეოსნობაში. სადაც წარმატებით იასპარეზა და შედეგი გაიუმჯობესა განათლების ცენტრის სასპორტო სკოლის მოსწავლემ გრიგოლ ახალაიამ, მან 60 მ გარბენში მეორე ადგილი დაიკავა. (მწვრთნელ-მასწავლებელი ინდირა გრიგოლიანცი).

„მწვანე მომავალი“ გარემოსდაცვითი მმართველობის გაუმჯობესებაზე



ხოზის მუნიციპალიტეტის გამგეობაში „მწვანე მომავლის“ წარმომადგენლებმა შეხვედრა გამართეს. შეხვედრას გამგებლის მოადგილეები ვარაზ გაბედავა და მახარე ჩოკორაია, გამგეობის სამსახურის უფროსები და სხვა დაინტერესებული პირები ესწრებოდნენ. მათ პროექტის ფარგლებში ქ. ხოზისთვის შემუშავებული სარეკომენდაციო დოკუმენტი, საბოლოო სახით გიორგი მუხიგულიშვილმა და ნინო ურიდიამ წარუდგინეს.

„მწვანე მომავალი“ ხოზის მუნიციპალიტეტში ახორციელებს პროექტს „სამოქალაქო საზოგადოების წარმო-

მადგენლებისა და სამთავრობო სტრუქტურების შესაძლებლობების გაზრდა, ერთობლივი დიალოგისა და თანამშრომლობის ხელშეწყობის გზით ენერგეტიკული პოლიტიკის გაუმჯობესების სფეროში, მდგრად ენერგო-ალტერნატივებზე ფოკუსირებით“.

პროექტის მიზანია ხოზის მუნიციპალიტეტში გარემოსდაცვითი მმართველობის გაუმჯობესება და ახალი ენერგეტიკული პოტენციალის შექმნაზე ხელშეწყობა, სამოქალაქო საზოგადოებისა და ადგილობრივი თემების გააქტიურების გზით და მათი ჩართულობით გადაწყვეტილებების მიღების პროცესებში.

შეხვედრა ფერმერებთან

სოფლის მეურნეობის სამინისტროს ხოზის მუნიციპალიტეტის საინფორმაციო-საკონსულტაციო სამსახური აგრძელებს შეხვედრებს მუნიციპალიტეტში სოფლის მეურნეობის დარგში პრიორიტეტულად



განსაზღვრულ მიმართულებებში (მეფუტკრეობა, მეცხოველეობა (ხელოვნური განაყოფიერება), მეთხილეობა, ჩაი და სუბტროპიკული კულტურები, მემარცვლეობა) შერჩეულ წარმატებულ ფერმერთა ჯგუფებთან.

3 თებერვალს ხოზის მუნიციპალიტეტის გამგეობის შენობაში, სამსახურის ოფისში გაიმართა შეხვედრა მეთხილე ფერმერებთან. საუბარი შეეხო თხილის გაშენების, მოვლა-მოყვანის, მავნებელ-დაავადებებთან ბრძოლის, მოსავლის აღება-შენახვის საკითხებს. მოეწყო ვიდეო რგოლების ჩვენება და დარიგდა შესაბამისი ბუკლეტები. ფერმერებს ასევე მიეწოდათ ინფორმაცია სოფლის მეურნეობის სა-

მინისტროს მიერ ინიცირებული პროექტებისა და პროგრამების შესახებ.

სამსახურმა დამსწრე ფერმერებს შესთავაზა მათ კუთვნილ სასოფლო-სამეურნეო სავარგულებზე ნიადაგის უფასო ტესტირების ჩატარება. ანალიზური გამოკვლევის ჩატარება შესაძლებელია განხორციელდეს უსასყიდლოდ მუნიციპალიტეტში მცხოვრებ სხვა ფერმერების ნაკვეთებზეც. დაინტერესების შემთხვევაში შეგიძლიათ მიმართოთ სამსახურს: ქ. ხოზი, ც. დადიანის 189, ხოზის მუნიციპალიტეტის ადგილობრივი თვითმმართველობის ადმინისტრაციული შენობა, მე-3 სართული, ოთახი 303, ტელეფონი 595 858365

C ჰეპატიტი-ქრონიკულად მიმდინარე პროგრესირებადი დაავადება

SOS C ჰეპატიტი!

C ჰეპატიტი ღვიძლის ქრონიკული დაავადებების (ქრონიკული ჰეპატიტი, ღვიძლის ციროზი) განვითარების ერთ-ერთი ხშირი მიზეზია.

ბაზოფილი მიზნები და ბაზოფილის გზები

C ჰეპატიტს იწვევს რნმ ვირუსი, რომელიც უპირატესად ღვიძლს აზიანებს. ბუნებრივი მიმდინარეობის დროს დაავადება (20-30%) 6 თვის შემდეგ თვითგამოჯანმრთელებით მთავრდება, ხოლო დანარჩენ შემთხვევებში ქრონიკულ ხასიათს იძენს.

ვირუსს ახასიათებს ცვალებადობა, მიეკუთვნება ნელა პროგრესირებადი ვირუსთა რიცხვს. გამოვლენილია მისი ექვსი გენეტიკური ვარიანტი.

ინფექციის წყაროს წარმოადგენს მწვავე და ქრონიკული C ჰეპატიტით დაავადებული ადამიანი. ვირუსი გადაეცემა პარენტარული გზით, ანუ სისხლითა და სისხლის პროდუქტებით, ზოგჯერ სქესობრივი გზითაც.

- ადამიანი ინფიცირდება:
- ნემსის შემთხვევითი ჩხვლეტისას;
 - საერთო სამართებლის, სისხლით დაბინძურებული ბამბის გამოყენებისას;
 - სხეულის სხვადასხვა ნაწილში სამკაულის ჩამაგრების, ე.წ. პირსინგის, დროს;
 - სისხლმდენი ღრმილების მქონე ადამიანის კბილის ჯვარისის ხმარებისას;
 - სხვა ადამიანის მიერ კბენის დროს;
 - დაბინძურებული საბაზანო აქესუარების ხმარებისას;
 - სქესობრივი კონტაქტისას, რომელსაც თან სდევს სისხლდენა.

ვირუსის სქესობრივი გზით გადაცემა ძალიან იშვიათია (1-3%), ძირითადად, ჰომოსექსუალისტებში (სწორი ნაწლავის ტრავმირების გამო). შედარებით მაღალია C ვირუსით ინფიცირების სიხშირე მრავალ პარტნიორთან ურთიერთობის შემთხვევაში.

C ჰეპატიტის გადაცემის გზებიდან გამომდინარე, ყველაზე ხშირად ავადდება:


- ინტრავენური ნარკოტიკები და მათი სქესობრივი პარტნიორები;
- შეუმოწმებელი სისხლისა და სისხლის პროდუქტების გადასხმის შემთხვევაში;
- ცუდად გასტერილებული სტომატოლოგიური, გინეკოლოგიური და სხვა სამედიცინო ინსტრუმენტებით მანიპულაციების დროს;
- აკუპუნქტურის დროს;
- გაუსტერილებელი ინსტრუმენტებით კოსმეტოლოგიური მანიპულაციების შემთხვევაში (პედიკური, მანიკური, ტატუირება და სხვ.);
- სამედიცინო პერსონალი – ანუ იგულისხმება ყველა ის შემთხვევა, როდესაც ვირუსით დაბინძურებული სისხლი ერევა მეორე ადამიანის სისხლს.
- C ჰეპატიტით დაავადების რისკი მაღალია არ მარტო ინტრავენური ნარკოტიკების დროს ანამედ კლკინის შესუნთქვისას. კოკაინი ძლიერ აღიზიანებს ცხვირის ლორწოვან გარსს და ხშირად იწვევს სისხლდენას. ასეთი პირის მიერ ნახმარ შესასუნთქ ტუბს კი ვირუსი მეორე ადამიანს ცხვირის ლორწოვანსა და, შესაბამისად, სისხლში გადააქვს.

სისხლის თვალთ უხილავ რაოდენობას შეიძლება შეიცავდეს ორგანიზმში არსებული სითხეებიც: ნერწყვი, ცრემლი, განავალი, შარდი, სპერმა. ამიტომ სრული უსაფრთხოებისთვის, სასურველია სიფრთხილე C ჰეპატიტით დაავადებულ ადამიანებთან ურთიერთობისას.

C ჰეპატიტის გავრცელება მსოფლიოში 1999 წელს.

თუ ადამიანი C ვირუსით დაინფიცირებული კბილის ჯვარისს ან პირის საპარსს მოიხმარს, შესაძლებელია ვირუსით დასნებოვანება, რადგან ამ ნივთებზე სისხლის ნაწილაკების არსებობის ალბათობა დიდია.

C ჰეპატიტის გამომწვევი პლაცენტალურ



ბარიერს ვერ გადის, დედისგან ბავშვისთვის დაავადების გადაცემის შანსი მცირეა. აქედან გამომდინარე, C ვირუსით ინფიცირებულ დედისთვის ორსულობა უკუნაჩვენები არ არის. ვირუსის გადაცემის ალბათობაზე არც ის ახდენს გავლენას, თუ როგორ იმშობიარებს ქალი—საკეისრო კვეთით თუ ბუნებრივი გზით. ვირუსი არ გადადის ძუძუთი კვების დროს.

C ჰეპატიტს არ იწვევს კლდის ნაკენი, რადგან მწერის სხეულში ვირუსის ძალზე უმნიშვნელო რაოდენობა ეტევა; არ გადაეცემა ხველებით, დაცემინებით, ჭურჭლით, საკვებითა და წყლით. დაავადება არ გადადის საერთო პირსახოცით, კოცნით.

კლინიკური სურათი

C ჰეპატიტის საინკუბაციო პერიოდი (ინფიცირებიდან დაავადების პირველი ნიშნების გამოვლენამდე) უზმირესად 20-80 დღეა. C ჰეპატიტს ახასიათებს როგორც მწვავე, ასევე ქრონიკული მიმდინარეობა. ვირუსით შესაძლოა ნებისმიერი ასაკის ადამიანი დაინფიცირდეს.

მწვავე C ჰეპატიტის დროს კლინიკური სიმპტომები იშვიათად (10-20%) ვლინდება. ამ დროს აღინიშნება საერთო სისუსტე, დისკომფორტი მარჯვენა ფერდქვეშა მიდამოში. ღვიძლის ფუნქციათა მრავალფეროვნების გამო მისი ქსოვილის ანთება, ანუ ჰეპატიტი, შეიძლება გამოვლინდეს სიმპტომთა ფართო სპექტრით; ესენია:

- კანისა და ლორწოვანი გარსის გაყვითლება;
- დაღლილობის შეგრძნება;
- ცხელება და ოფლიანობა;
- გულისრევა, ზოგჯერ ღებინება;
- ტკივილი მუცლის არეში;
- უმადობა, ცხიმოვანი საკვების შეძულება;
- ქავილი;

- წონაში დაკლება;
- სისხლჩაქცევები;
- გონების დაბინდვა, კონცენტრაციის უნარის დაქვეითება;
- ართრიტები (სახსრების ანთება);
- არასრულფასოვანი ძილი.

აღნიშნული ჩივილები ზოგადად ღვიძლის დაავადებებს ახასიათებს. C ჰეპატიტის დიაგნოსტიკა და დადასტურება კი ლაბორატორიული მონაცემებით ხდება.

მწვავე C ჰეპატიტმა შესაძლებელია მრკუნალობის გარეშეც უკვალოდ გაიაროს, მაგრამ უფრო ხშირად (60-80%) ის ქრონიკულ ფორმაში გადადის (თუ პროცესი 6 თვეზე მეტხანს გრძელდება).

C ჰეპატიტი შესაძლოა სრულიად უსიმპტომოდ, ან ძნელად შესამჩნევი ნიშნებითაც მიმდინარეობდეს. რაც უფრო ხანდაზმული C ვირუსით დაინფიცირებულია ადამიანი, დაავადება მით უფრო მძიმე მიმდინარეობს და მკურნალობაც ნაკლებად ეფექტურია.

C ჰეპატიტის სიმპტომები სუსტად ვლინდება ახალშობილებსა და ბავშვებში.

დიაგნოსტიკა

უსიმპტომო მიმდინარეობის დროს დაავადების გამოვლენის ერთადერთი საშუალებაა სისხლის სერიოლოგიური ანალიზი. დაავადების დიაგნოსტიკა სისხლის შრატში C ჰეპატიტის ვირუსის საწინააღმდეგო ანტისხეულების აღმოჩენით იწვეება. მწვავე C ჰეპატიტის დროს პირველი 2-3 თვის განმავლობაში ანტისხეულების აღმოჩენა შეიძლება ვერც კი მოხერხდეს. ამასთანავე, ანტისხეულების არსებობა მხოლოდ რნმ ვირუსით ადამიანის ოდესღაც ინფიცირებას ადასტურებს. დაავადების არსებობასა და მიმდინარეობაზე სისხლის შრატში უშუალოდ ვირუსის აღმოჩენა მიუთითებს.

C ჰეპატიტის ვირუსის საწინააღმდეგო ანტისხეულების შემცველობას განსაზღვრავენ იმუნოფერმენტული ანალიზით. შემდეგ კეთდება სპეციალური ანალიზი (პოლიმერიზაციის ჯაჭვური რეაქცია - PCR), რომლის დადებითი შედეგიც ადასტურებს დიაგნოზს.

მკურნალობა


მწვავე ჰეპატიტი C ავადმყოფთა 20-40%-თვის მკურნალობის გარეშე, სპონტანური გამოჯანმრთელებით სრულდება. ვირუსის საწინააღმდეგო მკურნალობის შემთხვევაში ეს მაჩვენებელი 80%-ს აღემატება. C ჰეპატიტის მკურნალობა საკმაოდ ხანგრძლივი (24-28 კვირა) და ძვირად ღირებული პროცესია.

მწვავე ქრონიკული C ჰეპატიტის დროს რაიმე სპეციფიკური დიეტოთერაპია საჭირო არ არის. საკმარისია ალკოჰოლის გამორიცხვა, ასევე სასურველია ჭარბი წონის კორექცია ციროზით გართულების შემთხვევაში კი დიეტის დაცვა აუცილებელია.

2015 წლის 10 და 11 დეკემბერს ხეთის და საჯიჯაოს საექიმო ამბულატორიებში ჩატარდა „C“ ჰეპატიტზე ჩვენი მოსახლეობის სკრინინგული კვლევები, რომელიც ორგანიზებული იყო სამეგრელო-ზემო სვანეთის საზოგადოებრივი ჯანდაცვის სამსახურის მიერ. 2016 წელს „C“ ჰეპატიტზე სკრინინგული კვლევები დაგეგმილია ხობის მუნიციპალიტეტის 2 სოფელში თორსასა და ქვემო ქვალონში. ყველა გამოვლენილი ავადმყოფისთვის მკურნალობა სახელმწიფო პროგრამის ფარგლებში არის უფასო.

სულთნა ნა

ჯაჯუ (ჯანგირი) შუხანია



მოულოდნელად და უცნაურად შემოვიდა გაზაფხული შენს ქალაქში, ჯერ ისევ თოვლიანი ზამთრის დღეების გაგრძელებას ველოდით... არადა უჩუმრად მოლოდინის გარეშე მოვიდა თებერვალი, რომელსაც ყოველთვის სიხარულით ხვდებოდი, რადგან ახლობელ ადამიანებთან და ოჯახის წევრებთან ერთად აღნიშნავდი შენი დაბადების დღეს. გიყვარდა თებერვლის დადგომა, გაზაფხულის მზის სითბოთი ამღერებული დედაბუნება, ხობის ათასფერად მოჩითული მიწა და უღრუბლო მზიანი დღეები.

ამ წლის 10 თებერვალს, 80 წელი შეგისრულდა, მაგრამ ძალიან ახალგაზრდად დატოვე სააქაო... ბოლო ამოსუნთქვამდე ზიდე კაცურ-კაცობის მძიმე ჯვარი. შენეული სიყვარულით გიყვარდა მშობლიური კუთხე, შენი ქალაქი, შეგეძლო ფეხზე დადგომოდი ქვეყნის სატკივარს და გეთქვა შენი სიტყვა, რომელსაც წონა ნამდვილად ჰქონდა.

შენ ხელმძღვანელ თანამდებობებზე იყავი და ყველას უყვარდი, როგორც გულისხმიერი, პატიოსანი, ნიჭიერი ადამიანი. მომთხოვნი, მაგრამ არა დიქტატორი. ბოლოს ქალაქ ხობის მერად იმუშავე, სწორედ აქ გამოჩნდა შენი ჰუმანურობა—დახმარებოდი შეჭირვებულ ადამიანებს, გაგეზიარებინა მათი ტკივილები გადაგეყვითა მათთვის პრობლემები.

შენს მეგობრებს, ახლობლებს, თუნდაც იმათ, რომლებსაც ერთხელ მაინც შეხვედრიხარ, ახსოვთ შენი უზადო გარეგნობა, მომხიბლავი ღიმილი და საოცრად თბილი მხერა, სწორედ ამიტომაც შენ ხობის ერთ-ერთი კოლორიტი იყავი.

მოულოდნელი და თავზარდამცემი იყო შენი გარდაცვალება ოჯახისთვის, შვილებისთვის, მეგობრებისთვის, რადგან ყველასთან მიმართებაში სისპეტაკე იყო შენი ბუნების თანაზიარი, ამაზეა ნათქვამი რა ახლოსაა დაბადება გარდაცვალებასთან, მაგრამ შენ მაინც მოასწარი ნათელი კვალის დატოვება.

შენს დაბადების დღეზე, შენს საფლავთან მოვიდნენ დიდი ოჯახის წარმომადგენლები, შვილები, შვილიშვილები, ახლობლები, მეგობრები—უბრალოდ ხობელები, კვლავ ათასფერი ყვავილებით მორთეს შენი საფლავი, ღმერთს შესთხოვეს უკვდავოს შენი სული და ცათა სასუფეველი დაგიმკვიდროს შემოქმედმა, იქ სადაც „მართალნი განისვენებენ“

მანანა შულაია.

ადამიანური ისტორიები

ბადრი ლომაია

პურის ქაღალდი

(ვუპლზნი ჩემი ძმის, რეზო ლომაიას ხსოვნას)

ომის სუსხი მძვინვარებდა. შიშს, შიშშილსა და სიცივეს დაესადგურებინა ღარიბულ სახლში. უჭირდა ყველას, განსაკუთრებით კი ობლად ღარჩენილებს, ამ სახლში სამი ობოლი იზრდებოდა, ისინი თორმეტი, ცხრა და შვიდი წლისანი იყვნენ. ამ ოჯახში არ ისმოდა წუწუნ-ნი—შმა დედი, მცირე დედი, რადგან მათ დიდი ხანია დედა არ ჰყავდათ, აქ ფიჩხის ალიც ხანდახან ბუუტავდა. მათთან ხანდახან მხოლოდ გიჟი ქიონია გამოივლიდა, სამი დაღუპული შვილის უბედური დედა. ჩემი შვილები ხომ არ გინახავთო, ეკითხებოდა იგი გამვლელებს. ხანდახან, როცა გონს მოეგებოდა, ეს დავრდომილი ქალი ისე მოთქვამდა, ცასა და მიწას ძრავდა, მიწა იწვოდა მისი საცოდაობით, ეტყობა, ჩემი შვილები ცოცხლები არ არიან, ძუძუები მტკივა, რამდენი ხანიაო. მერე ისევ მეორედებოდა, ჩემი შვილები ხომ არ გინახავთო...

სამი ობოლიდან, ყველაზე პატარას, სიცხე ჰქონდა. შიშოდა, დედას, რომლის სახე, არც ახსოვდა, უხმობდა ავადმყოფი. სიჩუმეა ქოხში და ამ სამარისებურ სიჩუმეში, „გავროში“ (ერთ-ერთი ძმის ზედმეტსახელი), უფროს ძმას მიმართავს, წამოდი პური მოვიპაროთ, არ შემოძლია უკვე შიმშილი. შეთანხმდნენ ძმები, დაადგნენ შორ გზას პურსაცხობისკენ, ფეხშიშველები მიდიან თოვ-

ლში, ოღონდ პური იშოვონ და მიუტანონ ავადმყოფ ძმას. პირველი „გავროში“ მიუახლოვდა პურსაცხობს და მცხოვრებელს დაუწყო მიხმარება, მცხოვრელი ორ ცალ პურს გადმოუგდებს მას, რომელიც მან თავის ადგილას უნდა დადოს. მაგრამ გადმოუგდებს თუ არა მცხოვრელი პურს, ის აიტაცებს ამ პურს და გარბის. მცხოვრელიც გაეკიდება პურის ქურდებს... გარბის პატარა ქურდი, უბედური ბავშვი, პური გულზე აქვს მიხუტებული, ძალა ელევა, სუნთქვა ეკვრის... უცებ რაღაცამ ყელში მოუღიტინა, გადააფურთხა—სისხლი, რაღა ახლა, ფიქრობს იგი და ესმის ძმის გამამხნეველი ხმა, სისხლი გადაყლაპე და ღონე მოგემატებაო, ჯანდაბას იყოს ასე „თფუი, რა გემო ჰქონია საკუთარ სისხლს... ვერ უშველა, არ მოემატა ღონე, მცხოვრელმა ოჩოკონმა ფეხი დაუდო, წაიქცა, პური გაუვარდა ხელიდან, ხედავს მისმა ძალმა გაიტაცა ეს პური, გვერდზე მიიხედავს, ოჩოკონს ცალი ფეხი პურზე უდევს, მეორე ძმის შუბლზე, რა ქნას, მოაგონდა ძაღლები, დაუძახა და მიუქსია ოჩოკონს... ცოტა ხნის მერე თვალი გაახილა, რას ხედავს, ოჩოკონი არსად არ ჩანს, ხოლო საკუთარ ძაღლი პურის ახლოს წევს, გაიწვია, ძლივს მისწვდა პურს, აიტაცა, ძალა მოემატა, გაიქცა (რა ძალა ჰქონია პურს), სუნთქვა

გაეხსნა, ახლა ვერავინ დაეწევა... ჯაგნარიდან ძაღლი გაემოძვრა, ღმერთო პურისთვის მხოლოდ ნაპილარი შეუტოვებია, მირბის ბიჭი და ავადმყოფი, მშიერი ძმისთვის მი-აქვს სიმწრით ნაშოვი პური, ამასობაში გავროშიც გამოჩნდა, ძმებმა ერთად შეაღეს სახლის კარი, პატარა იატაკზე წაქცეულიყო და დედას ევედრება, მომიტეხე, მჭადი მინდაო, დედა კი ჩონგურზე უკრავს და საოცრად ძლერის... ძლივს გამოიყვანეს ძმებმა ბურანიდან ავადმყოფი ძმა, აგერ პური მოგიტანეთ და ჭამეო, პატარა ტირის, პური არ ვიცი რა არის, მჭადი მომიტანეთო, ჭამე ძმაო, ღონე მოგემატება, და მტრები ვერ მოგვერევიან, ხომ ხედავ, როგორ წაიღეს ბაბუას დანატოვარი ნივთები, მარჩენალი მსხალიც მოგვიჭრეს, უნდა გავიზარდოთ და დავიცვათ ოჯახი და ერთმანეთი... რა კარგი ყოფილა პური, ატიტინდა პატარა, თვალებში სითბო ჩაელვარა, თითქოს ძალაც მოემატა, დამშვიდა, რა კარგი ყოფილა პური... წვეკარამი ღამეა, მთვარეც არაა ცაზე, რომ გაანათოს, მხოლოდ ავბედითად ყმუიან ძაღლები, ეს ყმუილი ძალიან ჰგავს მეგრელი ქალების მოთქმას

ძალღური ცხოვრების სულიც ყმუოდა სადღაც...

მე დაგბრუნდები!

ვუპლზნი ქალბატონ ღარეჯან ერქვანისა და ბატონ ბეჟან ნაღარაიას!

ღმერთს ვაფერძნებდი თატაშ იმეჩვარს, ბომ გასცდნოდა ენგუთის ცაღლფის, დღეს აბამხეცფის სიცივა ვერ ეთქვამთ. გადამაგდეს და ჯვარტყ გამაქარს. შერ აჩხთისთან ებბბბბბბ ბუქსფის, მატცფ სუღს მატცფ გადგმბი სალბუნს. შთამმმაგლუმბა გგუმბი შუმუქსფის, მაინც გნახაგერ ენგუთტყ გასუღს. გზაგასაყართან დაფდგუმბი ებბბბ, ან სამთთხე და ან ჯაჯაჯაჯა, და ვიცე, მაშინ, შერ მთხვალ ჩუმთან, ბლცა სამსჯავბრთს მთგვიწყბმს ღმერთი, უამბდერბმბა ცდგვაა დიდი. მუ ჩუმბი მიწის ცვაბი გაპკუბი, დღეს ბდამბდღეს გაყყუბი ბბბბ, ნუთუ ეს შერგან დაგბმსასუბი? ბ, ღმერთო ებბბ, ნუ განსჯი ბმბთ, მოეგუმბიან ალბმბთ გონს სადღაც. დაუმბრუნდუმბთ ნდმბა ჩერს მიმბბბთ და გაგბლაღუმბთ ჩერს ენგუთის გაღმბა.


ვიცი ბცნუმბთ ეღლბ მთგწერუმბ. შერ ჩუმბ ცდგვის ხბრ საზღაუბი. მუ ბმ უღმერთო ღმერთს ვაფერძნებდი ბომ დამბბბბბბბბ ბს სასწაუღი. მუ აბამხეცფის ვიყავი მბბბბ, თატაშ იმეჩვარს გუღში ვიკბბბბბ, დღეს კი ჩერს შობის ენგუბი მბბბბბბ ბ, ბამბდერ ბამბს გუღში ვიკლავდი. გზა ცბბბბსაკერ აბს ებბბბბბბ, უანაზღის ზუმბთ დგგყყუბმს, სანამ ბბ, ზეცბთ განგსჯიდეს ღმერთი, შერ კი მანამბდ ცბუმბლად დამწუბი. თატაშ იმეჩვარ ვერ გასცდა ენგუთის, მუ კი გავალ და ბბ დამგვიდბრდუმბ, წმინდა გბბბბბ მიმბბბბბ მუგზუბს, მუ დამბბბბბბბ, მუ დამბბბბბბბ! შუმბგვბბბბბბბ ბბბბბბბბბბბ, ვიღაცა ბუქბბბბ უღუმბდ განბბბბბბბ, დიდგბბბბ ვულზ ყალყზ დამბგბბბ, დგას მუბუბთ მუბუ ჯვარტყ გაკბბბბ!

მოგთხრობა

ძეთვან შელოგიას!

ღირსეულ ქალბატონს ქეთევან შელეგიას!

როდესაც ადამიანს გინდა მიუღოცო იუბილე, უნებურად თვალწინ ამოგოტივტივდება მისი განვლილი ცხოვრება და მოღვაწეობა. აფასებ მის ქმედებებს და უკვირდები—როგორ განვლო მან თავისი შეგნებული წლები.



ამ მხრივ ქალბატონ ქეთევან შელეგია-ვარდიას ნამდვილად აქვს საამაყო—არაჩვეულებრივი შემოქმედებითი ნიჭის მქონე მასწავლებელი, მასწავლებელთა მასწავლებელი—რომლის რეკომენდაციები ყოველთვის უკეთესობისკენ გიბბბბბბ, არ ვიცი რამდენჯერ ვიხმარო სიტყვები „კარგი“ და „არაჩვეულებრივი“, მაგრამ ასეა—იგი თავისი შვილებით, შვილიშვილიშვილებით, ახლობლებით...

გულოცავ ქალბატონ ქეთოს 88 წლის იუბილეს, გუსურვებ ჯანისა და გონების სიმრთელეს, კიდევ მრავალი წლის იუბილე მოგველოცოს ჭარმაგო ქალბატონო, თქვენს მონაგართან ერთად. იმეღია 100 წლის იუბილეზე გეახლება და პირადად მოგილოცავ.

მანანა შულაია.

განცხადება

29.03.2016 წლის 15 საათზე ხობის მუნიციპალიტეტის გამგეობის ადმინისტრაციულ შენობაში (მისამართი: 580. ხობი, ცოტნე დადიანის №189) გაიმართება შპს „შავი ზღვის ტერმინალის“ №5 სარეზერვუარო პარკიდან ბენზინის, ნაფტას, დიზელის საწვავის, საავიაციო ნავთის და ნახშირწყალბადების კონდენსატის მიღების, შენახვისა და გადატვირთვის, გარემოზე ზემოქმედების შეფასების ანგარიშის პროექტის“ გ.ზ.შ.-ს საჯარო განხილვა.

დადგენილი საქმიანობის მიზანს წარმოადგენს: ნათელი ნავთობპროდუქტების და აირის კონდენსატის მიღება და გადატვირთვა საზღვაო ტრანსპორტში. ასევე საავიაციო ნავთის და ბენზინის გადმოტვირთვა საზღვაო ტრანსპორტიდან №5 სარეზერვუარო პარკში შემდგომი გადატვირთვით

სარკინიგზო ტრანსპორტში. ასევე ბენზინის ჩამოსხმა ავტოცისტერნებში. საზოგადოების წარმომადგენლებს დაგეგმილ საქმიანობასთან დაკავშირებული ლოკუმენტაციის გაცნობის საშუალება ექნებათ:

ა) სოფელ ყულევში შპს „შავი ზღვის ტერმინალის“ ოფისში.

ბ) ხობის მუნიციპალიტეტის გამგეობის შენობაში, მისამართი: ხობი, ცოტნე დადიანის №189.

გ) გარემოსა და ბუნებრივი რესურსების დაცვის სამინისტროს გარემოზე ზემოქმედების ნებართვების დეპარტამენტში;

საზოგადოების მოსახრებების და შენიშვნების წარმოდგენის ბოლო ვადაა დაგეგმილი საქმიანობის შესახებ ინფორმაციის გამოქვეყნებიდან 45 დღე.

საკონტაქტო პირი: ხობის გამგეობის ეკონომიკის განყოფილების მთავარი სპეციალისტი ლამზირა თოდუა.

ღამფშბბბბბბ: ხობის მუნიციპალიტეტის საკრებულო.

გამომცემელი შპს „ხობის მოამბე“

სარედაქციო კოლეგია:

თავმჯდომარე შპს. „ხობის მოამბეს“ დირექტორი—მერი ლაგვილაია, თავმჯდომარის მოადგილე, დირექტორის მოადგილე—ნანი კილასონია, რედაქტორი—მანანა შულაია, ჟურნალისტები—ნინო გერგაია, ნაირა ბერაია, კომპიუტერული უზრუნველყოფა—ჯულიეტა ლატარია.

გაზეთი ხელმძღვანელობს

თავისუფალი პრინის პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.

გაზეთი აუფუო და დაბეჭდილია შპს „ხობის მოამბეში“.

მის: ხობი, წმინდა ნინოს ქუჩა №1 ტელ: 0 (414) 22-21-13; 22-25-81; 599-50-40-57. ელ. ფოსტა: xobismoambe@mail.ru

დაბეჭდა შპს. გამომცემლობა „კოლორიტი“. თბილისი, რკინიგზის ჩიხი №20.